

علوم اقتصادیه و اجتماعیہ

مجموعہ علمکار

مز آیک برنجی کوئی نشر اول نور

مؤسسی

احمد شعیب ، رضا توفیق ، محمد ہاریر

مقدمات

پورسہ معاملات . — حقوق اساسیہ بہ مسئل : رضا
توفیق . — روسیہ : احمد شعیب . — فردیون و نوساویون :
بدیع پوری . — حکومت و حریت خندہ سینٹرک فلسفہ سی :
رضا توفیق . — فرانسیہ اغلال کبری : احمد شعیب . —
سوسالیزم خندہ تشیمات : علی کامی . —

مدیر و صاحب امتیازی :

محمد ہاریر

نظمی : ۱۰ غروش

استانبول

امور اداره و تحریر : ملینہ مطہری

۱۳۲۶

فرانسه خدای کبری

[*]

قسم ثالث

۱

آسامبله ناسیونال له ریسلاتیو: ۱ تشرین اول . ۱۷۹۱ — ۲۰
ایلول، ۱۷۹۲. — مجلس مؤسساتک ۳۰ ایلول، ۱۷۹۱ تاریخنده
داغیلدیغی اولجه کورمشدک. ایشته بونک یرینه آسامبله له ریسلاتیو قائم
اولدی و ۱ تشرین اول، ۱۷۹۱ ده پارسده مانه ژصالوننده اجتماع ایتدی.
ژیروند مبعوثلری پروپاغاندا ایله بوتون ملتلی قراللرعلینه قیامه تشویق
و ۱۷۸۹ اقامینی نشر و تعمیم ایتک ایسته یورلر، روبسییه رایسه حال
حاضرده بونوع آمال و تمیساتک غیر قابل اجرا اولدیغی سوبیلیه رک
محاربه نك علیهنده بولنیوردی. بومسأله ده برچوق وطنپوران کندیسیله
همفکر ایدی. بونلر اول امرده فرانسه نی قرالدن تمیزله مک و اختلالی
احکام ایتک املنده ایدیلر. ژیروندلرله روبسییه ریستلردین اوزرنده ده
آیریلیورلردی. ژیروندلر وولتهر مکتبنه منسوبدرلر. روبسییه رایسه دائماً
قدردن، جناب حقدن بحث ایدیوردی. ایشته بو ایکی فرقه یه مونتانیار
وژیروندن ناملری ویرلدی. بوسوک فرقه ده آنسیقلوپه دی محررلرندن
صاغ قالانلرک اک مشهورلری ده داخلدی. بواننده روبسییه رهنوز مبعوث
اولمایوب پارس محکمه جانیته مدعی عمومی ایدی و جاقوین قلوبی ایله
اجرای نفوذ ایلورلردی. مارا ایله دانتون ده هنوز مجلسه کیرمه مشلردی.
ژیروندن فرقه سی دانتونه ۱۷۹۱ ده بر خیالپرست نظریه باقیوردی.

[*] اختلال کبرک وقایع اخیره سنی بوبابده مجملأ حکایه ایدم رک کله چک
نسخه دن اعتباراً عوامل روحیه و سیاسیه سنی تدقیق و تحلیل ایدم حکم .

رہن حدودی اوزرنده مهاجرینک تمشدی مجلسی اندیشہ ایچندہ
 براقدیغندن خاندان قرالی بی وطنلرینہ دعوتی متضمن بر قرار ویردی .
 لوئی بوقراری تصدیق ایتہ مکله برابر برادرلرینہ کلہلری ایچین خیرخواہانہ
 نصایحده بولوندی . لاکن هیچ بری دیکله مدیلر . مهاجرین مسالہ سی
 اختلال کیرلہ آوروپا مناسباتی صفحاتندن بری تشکیل ایدر . اساساً
 ۱۷۸۹ وقایعی خارجدہ بر تجسس ، بر محبت ، بر توجہ تولید ایتمشدی .
 دیگر طرفدن دول سائرہ فرانسه نك بوصورتہ داخلہ دوچار ضعف
 اولماسنہ قارشى سه وینیوردی . قراللر مهاجرین ایلہ لوئی نك استرحاماتنہ
 ابتداری همان هیچ اہمیت ویرمہ دیلر . لاکن وارنہ فراریخی متعاقب
 قرالہ یاپیلان تحقیرات حکمدارانى ایقاز ایتدی . لوئی نك دعواسی کندی
 دعوالری اولدیغی ، آکلادقاری کبی فکر اختلالک تبعلرینہ سرایى
 احتمالندنہ قورقغہ باشلادیلر . ژیروندلرک مقام اقتدارہ کلہلری
 کوزلرینی بوس بوتون آچدی . انکنجی فرہدریق کیسوم ایلہ ایکنجی لئوپولد
 بوبادہ تعاطی افکار ایتدیلر . لوئی کیزلیجہ پروسیا قرانی فرانسیہ دعوت
 ایدیوردی . ویانہ قایینہ سی دە پیدرینی فرانسیہ امور داخلہ سنہ مداخلہ دن
 باشلیہ رق آرتق آوروپانک لوئی نی سربست عدایدہ میہ جکنی عیناً سوبلیوردی .
 قانونیج جاقوبنلرک بلجیقای تہدید ایتدکلری وسیلہ سیلہ تدارکات حربیہ تشبث
 ایتدی . بوقیل تحریکات اوزرینہ فرانسیہ مجلس قوانینی مجازوبوہمایا قرانہ قارشى
 اعلان حربہ قرار ویردی ؛ بو قراریلہ آلمانیا نك بیطرف اولدیغی
 اکلایمق ایستہ یوردی او ائنادہ فرانسیہ نہ تیماوی ونہ دە تدافعی بر حرب
 ایچین حاضر دکلدی . قلاع پک فنا بر حالہ اولوب بوتون مملکت دشمن
 استیلاسنہ قارشى آچیدى . بناءً علیہ محاربہ نك مبادیسنہ ہپ فرانسلر
 مغلوب اولدی . ۱۷۹۲ حزراننک بکرمنجی کونی ذکور ونسواندن
 مرکب بر جم غفیر مجلسہ کیدہرک سرایک وطنہ قارشى خیانتدن آرتق
 واز کچمہ سنی ، قوہ اجراییہ ایلہ قوہ شریعیہ آراسندہ ائتلافی واردولرک دە

یورو مهنی طلب ایتدیلر. صوکره خلق تویله‌ری سرائینه کیده‌رک لوئی‌نک بولوندیغی سالونه قدر کیردی. بوراده برطاقم نمایشلر یاییلدی. قرال اعتدال دمنی محافظه ایدره‌ک قانون اساسی‌نی هر وجه ایله محافظه ایله جکئی وعد ایتدی. او کون هوا پک صیجاقدی. نمایشچیلردن برینک ویردیکي شراب قدحنی آله‌رق ملتک صحت وسلامته باده‌نوش اولدی. بونی هرکس آلتیشلایه‌رق قرال ایله قرالیچه‌نک اوکندن برر برر کچیدیلر. ۷ تموزده مجلسده پاپاس لاموردهن، وطن حیات ویمات آراسنده چیرپنیرکن اولادلی مجلسده کی نفاقک نه آجی بر لوجه تشکیل ایتدیکئی سویله‌یه‌رک بوتون وطنپروورانک یکدیگریله باریشمانی سویله‌دی. مجلس بو تکلیفی آلتیشلاره قبول ایدره‌ک بوتون اعضا قوجاقلاشدیلر، ظن ایدلدی که بوتون حسیات سائر، اختلافات سیاسییه سلامت وطن مواجهه‌سنده سونمشدی.

بواننده آوستریا و پروسیا عسکری فرانسه حدودینه دوغرو یورو یوردی. دوق دو برونسوویق فرانسه‌ها ایسنه خطاباً صوکره درجه‌ده حقارت آمیز بر بیاننامه نشر ایتدی. فقط بو بیاننامه فرانسزلرک دشمن مشترکه قارشى اتحادلرینی موجب اولدی. عین زمانده دوق دو برونسوویق لوئی‌نک‌ده کندیلریله متفق اولدیغی سویله‌مشدی دیگر طرفدن سرائیک واسطه نشر افکاری اولان بر غزته نشر ایتدیکي بر مقاله ایله فرانسز ملتک فنا حالده عزت نفسنه دوقونمشدی. بونک اوزرینه پارس‌ها ایسی سوقاقلره دوکوله‌رک اجنبیلرک ملتزمی اولان لوئی‌نک تأدیبی طلب ایتدی. پارس آرتق لوئی‌نی خلع ایتک ایچین حاضر لانیوودی. لاکن سرای کنديسنی مدافعه ایچین تدابیر جدیه اتخاذ ایتدیکندن. اختلافلار کندیلرینه معاونته شتاب ایدن مارسیا طابورلری کلنجه قدر بکله‌یدیلر؛ بو طابورلر فرانسه‌نک اُک کزیده، اُک جسور عسکری اؤلوب اخیراً رهن اردوسی نامنه رورده دولیل طرفندن بسته‌لنن شرقی سویله‌یه‌رک یوله‌چیمشیلر دی. مارسه‌یز نامی ویریلن بو شرقی الیوم فرانسزلرک نغمه‌میلیدر. مجلس نه

بو نمايشلره اشتراك ونهده لوئى نك خلغنه دائر بر قرار اتخاذا ايدمه رك اختلالى تماماً سربست براقدى. چونكه او، بوندن متولد مسئوليت عظيمه يي درعهده ايتك ايسته مديكى كى اختلاك منعهده غير مقتدر اولديغى حس ايله يوردى... اردوى اختلال بطى و متردد بر صورتده تشكىل ايدىيور و هر طرفه اخبار كيفيت ايچين متدياً چان جالنيوردى. طلوعى متعاقب خلق شاتويه هجوم ايتدى.

پارس مدعى عمومى قباله، مجلسه چكيلمه سنى سويلدى. بو ائنده قرايچه حدتندن باغيردى: «زوجى ترك ايدم بيلمم ايچين اول امرده بنى ديواره ميخلايكز!» دودره جواب ووردى: «مادام! بوتون پارس يورويور.» لوئى بالمجوريه عائله سيله برلكده مسلح خلقك اورتاسندن كچرك مجلسه التجا ايتدى. قراك عزيمتى متعاقب فرق مسلحه دائره سته هجوم ايله محافظه عسكرىنى ئولدوردكدن صوكره سرايى يغما ايله مشلردر. لوئى مجلسه كلديكى زمان رئيس ورغنيودك ياننه او طور ارق ديدى كه: «بن بويوك بر جنايتدن احتراز ايچين بورايه كلدم؛ دوشوندم كه سزك آرا كزندن ده امين بر ملجأ بولاميه جغم.» رئيس مجلسه جواباً: «حشمتاب! مجلسك متانتنه اعتماد ايدم بيايرسكز.» ديدى. لاكن مجلسى قراك، شيمديلك اعاده حكومتى قابل اولاميه جغنى كوره رك ملتى بر قونوانسيون ناسيونال تشكىلنه دعوت وقوه اجرائيه رئيسك ده موقتاده ايفاي وظيفه دن منع ايدلديكنى سويله دى. قرال مع عائله بعدما لو كسمبورغه او طور اجقدى. فقط قومونك آرزوسى اوزرينه اقامتكاهى بالاخره تامل حبس خانه سته تبديل اولوندى. مجلسك مقرراتى ملت نانه نشر ايديله جك وقراك تصديقنه اقتراان ايتكسزىن قانون حكم وقوتى حائر اوله جقدى. ايشته بوصورتله مجلس لوئى نك خلغنه قرار ويره ديكى كى جمهوريت تأسيسنى دم پك آرز دوشونيوردى. قراك وكلاسى عزل ايدلنكدن صوكره «موقت مجلس اجرا» اسميله بر هيئت وكلاشكى ايتدى كه عدليه ناظرى داتوندى.

دانتونك قابينه به كيرمه سى بر حادئه مهينه اولدى . مجلس بو حركتيله ارباب قيامي كندينه جلب ايتك واجانبه ده بوكي ايشلرده بوتون فرانسلرك متحد اولديغنى كوسترمك ايسته مشدر . اوئانده دانتون پك زياده حائر نفوذ پارلاق برخطبيدى . بر مدت صوكره رياست حكومتى بالفعل آله آله رهق سياست داخله وخارجيه نك ملهمى ومدافعه مليه نك ده مديرى اولدى . ١٠ اغستوس اختلالى فرانسه يى قرالدين قورتارمقله برابر عيني زمانده ده بوتون قراللى كندى عليهنده اتحاد ايمه لرينه سبيت ويرمشدى . واقعا مجلس آروپايه وبوتون عالمه قارشى آمال مسالطرو رانه بسله ديكنى تكرار تأييد ايتدى . فرانسلرك ملل سائر ايله قارداشلمكدن باشقه آرزونى اولماديغنى سويله دى . ١٠ اغستوس ، ١٧٩٢ تاريخده مجلسده ويريلان برقراره بناء ويلبرفورت ، بنتام ، قلوبچوق ، شيلر ، واشنتون ، پستالوجى ، قوچيوسكى كې مشاهيره فرانسلر وطنداشلى نامى ويرلدى . انگليز اتفاقى دانتون سياست خارجيه سنك روحى ايدى . وبواوكا ميرابودن انتقال ايتمشدى . حتى بونك ايچين تاليران لوندره به برقاق كره كيدوب كلدى .

پروسيا نهايت برچوق ترددلردن صوكره آوستريا ايله متفقاً فرانسه به قارشى يورومكه قرار ويرمشدى . فقط دول متفقه اردولرى فرانسلردن پك زياده مقاومت هله كويلولردن صوك درجه آثار خصومت كورو يورلردى . پروسياردوسنه التحاق ايچين دعوت ايديلن فرانسلر جنراللى بو تكليفى ملت نامنه كال حقارتله رد ايتديلر . ٢ ايلولده پارس وردونك دشمن طرفدن محاصره ايدليكى خبرنى آلدى . بوراسى آلتدقن صوكره پروسيا قرالينك يارسه دوغرو حركت ايده جكي ظن اولونيوردي . تام بو ائنده وانده ده مدهش ير عصيان باطلادى . تويله ريده بولونان بعض اوراقدن قرال ايله برابر بعض افكار معتدله اصحابنك اجانب ايله متفق اولديغى ميدانه چيقدى . وخاقتك تهوور مجنونانه سى ايلول وقايع خيعة سنى

تولید ایتدی . بوتون پارس سوقاقلرینه شویله بر بیاننامه یابیشدیردی :
 « ای ملت حاکمه ، انتقامی تأخیر ایت : اویویان عدالت بوکون آرتق
 اکتساب حقوق ایدمچک ، بوتون مجرمار سیاستگاه اوزرنده ئوله جکابر در .
 ۱۵ آغستوسده « ملتک انتقامی هنوز تسکین اولونامدیغنی ده آسامبله یه
 بیلدیردی . مجلس ممالک اجنبیه التجا ایدنلره قراچی اولانلرک رهن
 مقامنده بلدیله دائره لرنبجه تحت ترصدده بولوندرلمسنه ووطنک تهلمکده
 اولدیغنی اعلان ایچون چان چانمسنه ، طوپلر آتیلمسنه قرار ویردی .
 او ائنده دانتون قیام ایدوب شوسوزلری سویله دی : « شیمدی چالنه جق
 چاکلر علامت خوف وتلاش دکلدیر . بلکه وطنک دشمنلرینه هجوم
 حکمنده در . دشمنلر منی مغلوب ایتمک ایچین بزه جسارت ، ینه جسارت ،
 دائماً جسارت لازمدر ؛ فرانسه آنحق بوصورتله قورتیلیر » قان دوکولمسنه
 اک زیاده خدمت ایدن مارادر . غزته سنده هرکون جاهل خلقی محبوسینی
 اولدورمکه تشویق ایدیوردی . مسلح جلاد فرقه لری « آبی »
 حبس خانه سیله دیگر حبس خانه لره کیده رک زوالیلری برر برر تلف
 ایتدیلر ! اک زیاده باعث دهشت اولان جنایت پرنس انیزابت
 دولامبه لک قتل در . نهایت حبس خانه لر بو شالدی و قتال پارسده دوردی .
 واقعا مارا بونک ایالاتده اشلانی متضمن بر بیاننامه پایدیسه ده ورسایدن
 ماعدا بریرده بو خونخوارک نصیحتی دیکلنمندی . ایلول قتالک قانلی لکسنی
 اختلالک اوزرندن سیلمک غیر قابلدر . بو صراده فرانسه عسکری جنرال
 دوموریه نک قومانداسنده والی موقعنده پروسیالیلری مغلوب ایتشدز .
 محاربه ده حاضر بولونان کونه : « والی محاربه سیله تاریخ عالمده یکی بردون
 آجیایوز . » دیمشدر . ایولونبرى مجلس بوتون مدافعه ملیه ریاستی دانتونه
 براقشیدی . کنیدیسی یالکیز منافع عمومیه یه متعلق تدابیری مذاکره
 واولابنده اتخاذ قرار ایلوردی . حال مندییه متعلق ایشلری رهبانک
 آلدن آلهرق دوائر بلدییه یه ویردی . بو ، کلیسا ایله حکومتک اغترافه
 بر مقدمه ایدی . نهایت مجلس ۳۰ ایولده تعطیل مذاکرات ایتدی .

قانونسیریه ناسیونال : ۲۰ ایلول ، ۱۷۹۳ - ۲۱ تشرین اول ، ۱۷۹۵ . قوه اجرائیه نك باشنده قرال بولونمادینی ایچین ۱۷۹۱ قانون اساسیسنك حکمی قالمامشدی . آسامبله هم مصالح حکومته باقق و هم ده یکی بر قانون اساسی تنظیم آبله مك ایچین بر « قانوناسیون ناسیونال » تشکیلنه قرار ویردی . رأی عام ایله ۷۵۰ مبعوث انتخاب اولوندی . پارس مبعوثلرینك قسم اعظمی بوسفر جاقوبنلرله قورده لیله ردن مرکبدی . روبسیهر ، دانتون ، مارا ، قامل ده مولن كکی ذوات مجلسه هپ کیرمشدی . ۲۱ ایلولده بر طاقیم مقررات اتحاد ایدلدی : ۱ . — قانون اساسی ملت طرفندن قبول ایدلمه لیدر . ؛ عكس تقدیرده اوناده مستحق دکلدر ؛ ۲ . — جان و مال ، ملتك تحت محافظه سنده در ؛ ۳ . — فسخ ایدلمه ین قوانین بر مدت موقته ایچین مرعی الاجرادر . بونی متعاقب قالدور بوانك تكلیفی اوزرینه مجلس اتفاق آرا ایله فرانسه ده قرائتك انفاسه قرار ویردی . لاکن هیچ بر خطیب جمهوریت کلمه سنی سوبلیه مدی . آقشام بوقرار مشعله لرله پارسده اعلان اولوندی . خلقك ممنونیتی هر طرفدن یو کسه لن یاشاسین جمهوریت ! صدالری اظهار اید یوردی . قانوناسیون متفقاً جمهوریتی قبول ایتکله برابر تعقیب ایدله جك مسلك حقنده اتفاق ایده مدیلر . ژیروندنلر « قومون » دن دولایی مونتانیارلرله بوزوشمشلردی . مونتانیارلری روبسیهر ، مارا ، دانتونك تیرانلغی حاضر لمقله اتهام ایتمه لرینه قارشى مونتانیارلرده ژیروندنلری فرانسه ده بر نوع حکومتات متحده تأسیس ایتك یغی هر ده پارتیمانك آیری بر حکومت اولماسنی ایسته مکله مواخذه اید یورلردی . حقیقت حالده ایسه ژیروندنلر فده ده رالیست دکل لیهرال اولوب باشلرینه بر دقتاتور کلمه سندن قورقورلردی . مونتانیارلرده مدافعه ملیه نك تأمین موفقتی ایچین قوتلی بر اصول مرکزیه طرفدار دیلر . ژیروندنلرک باشنده مادام رولاند واردی . قوندورسه دانتونك پولتیقه سنی یعنی « غیر قابل انتقام بر جمهوریت » نظریه سنی مدافعه اید یورسه ده اجرای نفوذدن زیاده دهایه مالکدی . یکیدن انتخاب اولونان قومون اعضاسی

هپ مونتياناردى . و بوراده مدعى عمومى ده رولانديسترك اُك بى امان
بر دشمنى اولان هبهردى . ژيروندينرك اُك پارلاق خطبا سندن حكايه نويس
لووه بركون مجلسده روبسيهري ديقتاتورلكه دوغرو يورومكده اتهام
ايتمه سى اوزرينه روبسيهري بونى پك نازكانه ومتواضعانه بر صورتده رد
آيله دى .

قوبلارك مدعياته، قومون شعبه لرينك آمانه رغما لوئى مسأله سنى
قوانونسيون هنوز حل ايتمه مشدى . فقط توپيلهري سراينده كيزلى بر
دولابده لوئى نك اوسترياليلرله اويوشديغى مثبت بعض اوراق بولوندى .
بونك اوزرينه پارس اهالي سى نامنه آسامبله يه كيدن هيئات مخصوصه قراللك
اعدامنى طلب ايتدى . آرتق قونوانسيون لوئى بى محاكمه ايتمه كيه قرار
ويردى . قراللك عدم مسؤلىتى قاعده سى مجلسده اقليت فرقه سى طرفدن
پارلاق بر صورتده مدافعه اولوندى . سن ژوست و روبسيهري لوئى نك
قرال صفتيله دكل بردشمن كې محاكمه ايدلمه سنى يعنى اوئى اولدورمك
لزومنى سويله ديلر، مجلسك حضورينه چيقان لوئى كنديسنه اسناد اولونان
شيرك كافه سنى رد ايتدى . دعوى تمام بر بوجوق آي سوردى . دوسه ز
كالم بلاغته حكمدارك شخصى هركونا تعرضدن مصون اولديغى نظريه سنى
مدافعه آيله دى « قونوانسيون اوچ سوال ترتيب آيله دى : ۱ — لوئى
حریت عموميه عليه نه تشبث وامنيته حكومته قارشى سوء قصد ايله تمهيدير؟
۷۱۹ مبعوثدن ۶۹۳ ى « اوت » ديديلر . ۲ — قونوانسيونك بوبابده كې
قرارى ملكك نظر تصديقنه عرض ايديله جكمي ؟ » بوسوال لوئى بى
قورتارمق مقصد خفيسيله موضوعدى . لاکن مجلس ۲۷۳ رایه قارشى
۴۲۴ رای ايله قونوانسيونك قرارىنى ملكك تصديق ايتمه سنه حاجت
اولماديغنه « قرار ويردى . ۳ — لوئى هانكى جزايه مستحقدر ! » ۳۸۷
رای اعدام ، ۳۳۴ رای حبس جزاسنى طلب آيله دى . ژيروندينرك قراللك
موقع اجرايه وضعنك تاخيرينى طلب ايتديلر سده بوطلب اكثريت آرا

رد اولوندى . و ۲۵ کانون ثانی ، ۱۷۹۳ ده ۱۶ نجی لوئی کیوتین ایله اعدام ایدلدى . ممالک اجنبیه کیدن فرانسزلر مقتول قرالک اوغلنى ۱۷ نجی لوئی نامیله قرال اعلان ایتدیلسه ده کنج پرنس وفاته قدر پارسده محبوس قالدى .

قرالک محاکمه سی ایکی فرقه ییئنده کی مبارزه یی بوس بوتون تشدید ایتدی . ژیروندنلرک قرال طرفدارانی ایله برلشمش اولملرندن شبهه ایدلمک باشلاندى . بوائنده بلجیقاده آوستریالیلره قارشى محاربه ایدن جنرال دوموریه قراللى اعاده ایچین پارس اوزرینه یورومک ایسته مشه ده موفق اوله میهرق آوستریا اردوسنه قاششدى . محاربه کیتدکجه کسب اهمیت ایدهرک انکلتزه ، اسپانیا ، هولاندا یه ده اعلان حرب ایدلدى . بو ، داخلأ تدابیر شدیدہ واستثنائیہ نك یعنی دهشتک مقدمه سنى موجب اولدى . قونوانسیون دانتونک طلبی اوزرینه اختلاله ، حریتہ ، مساواتہ ، وطنک اتحادینه ، امنیت داخلیه وخارجیه دولته وقوع بوله جق هر نوع تجاوزاتى محاکمه ایتک ایچین پارسده فوق العاده برمحکمہ جنایت تشکیله قرار ویردى . بالآخره محکمہ اختلال نامنى آلان بو محکمہ هپسى قونوانسیون طرفندن منصوب برزوری بش حاکم ، برمدعى عمومى وایکی دهمدعى عمومى معاونندن مرکبدى . بو محکمہ نك حکمى بالاستیفاف درحال اجرا اولونا جق ایدی .

قومون طرفدارلری مجلسه کیده رک ژیروندنلرک سوزسویله لرینه مانع اولدقلرندن ژیروندنلر « قومون » ک حکم ونفوذى آلتندن قورتولق ایچین قونوانسیونک پارس خارجه نقل ایدلمه سنى تکلیف ایلدیلر . نهایت قومون ژیروندنلری محوه قرار ویردى . ۳۱ مایس ، ۱۷۹۳ ده عسا کر ملیه مجلس سالوننه کیدوب ۲۲ ژیرونده نك اتهامنى طلب ایتدی . فقط مجلس رد ایلهدى . ۲ حزایرنده عسا کر ملیه طوب ایله کلهرک قونوانسیونى محاصره ایتدی . مبعوثان دیشاری یه چیقمق ایسته دیلرسه ده عسکر مانع

اولدی . نتیجه ده قونوانسیون ۲۹ مبعوثك وظیفه لرینه ختام ویرلديكنی
 وأولرنده حبس اولنه جقارینه قرار ویردی . ایکی ناظرده توقیف ایدلدی .
 تازیخده بووقه « ۳۱ مایس » نامیه معروفدر . دیگر طرفدن مدافعه وطنه
 عابد تدابیری اتخاذ ایتك اوزره قونوانسیون «سلامت عمومیه قومیه سی»
 نامیه برهيات تشكیل ایتدی . مصارف خفیه ایچین کنديسنه یوزبیک لیرا
 تخصیص اولوندی . دانتون بوقومیتك رئیس حقیقی ایدی . فقط
 یاواش یاواش قومون ایله قونوانسیونك آراسی آچیلدی . نتیجه ده
 قومون هپسنه غلبه ایتدی . بوکاروبسیدرك مساعیدنن زیاده فرانسه ك
 فلاکت عسکریه سی سبب اولدی . پارسیلر ، وقوعه کان انهرامات
 متوالیه قونوانسیونده کی نفاق وشقاقدن متولد ظن ایدیرلردی
 دانتونك همتی ایله ۱۷۹۳ قانون اساسی یاییلایلدی . بونی برقاچ کون
 ظرفنده سلامت عمومیه قومیه سی تنظیم ایتش و مجلس ده همان عیناً قبول
 ایله مشدر .

مقدمه سنده جمعیت تشکیلندن مقصد سعادت مشترکك تأمین اولدیغنی
 سویلور . انتخابات عمومیه ك بلا واسطه اجراییله قوه تشریعیه یی برسنه
 مدتیه منتخب و ۶۰۰ مبعوثدن مرکب بر مجلسه تودیع ایدیلور . مجلس
 طرفندن قبول اولونان كافة قوانین ملتك تصدیقه عرض اولونا جقدی .
 قرق کون صوکره ده پارتلمانلرك نصفندن بر زیاده سی قبول ایدرسه قانونیت
 اکتساب ایده جکدی . قوه اجرائیه ایسه ۲۴ اعضادن متشکل بر هیاته
 تودیع اولوندی . ده پارتمان منتخب ثانیلری برر نامزد کوستره جك وقوه
 تشریعیه بو نامزدلر میانندن ۹ کشی یی برسنه مدت ایچین آیراجقدی .
 تشکیلات عدلیه ك اس اساسی ده انتخابدی حاصلی صوك سوز بوقازنه
 اساسی ایله ده پارتمانلره ویرلشدی . و بوتون بر تعیدات دیقاً تورقور قوسندن
 منعبدی .

سلامت عمومیه قومیه سی ژیروندلره قارشى اتخاذ اولنه جق مسلکی

تعیین ایتکه چالیشوردی . روبسیه ر طرفدارانی ده بر طرفدن خلق قومیته نك اجرا آتی علینه تشویق ایدیورلردی . قامیل ده مولن ایسه قومیته نی هیچ بر شی یا ماقبله اتهام ایلوردی . نتیجه ده قونوانسیون دانتونی عزل ایدرك یرینه روبسیه ری تعیین ایتدی . ایسته بو ایکنجی قومیته فرانسه اداره سنك مسئولیتنی حاملدر . شالده کی فده رالیستر بیدرنی مغلوب اولدیلسه ده ، جنوب وازجه لیون مقاومت ایدیوردی . بالاخره طولون ، قورسیتا و بریتانیا ایالات قدیمه سنك پاپاسلره صوکه درجه ده مربوط متعصب کویلیلری ده عصیان ایتدی . هله بریتانیاده بوتون مملکت عصاتک آلنه کچدی . شارلوت قورده ی اسمنده بر کنج قیز قان شهرندن پارسه کلهرک مارای ۱۳ تموز ، ۱۷۹۳ ده تولدیردی . اووقت مارا نظر ملتده وطنی شخصنده تجسم ایتدیر یوردی . قیز همان اعدام ایدلای و ماراده شهید حریت عدایه مقبر اعظم اولان پانته ئونه دفن اولندی . شارلوت ژیروندلرک مرکزی قان شهرندن گه سی بو قتل ژیروندلرک یادیردینی ظنی ویردی . بوتون قلوبلرده ژیروندلرک اعدامنه دائر آتشین نظار سوبلندی . محکمه ژیروندلری محاکمه ایتدی . پارسده توقیف ایدیلن ۲۱ ژیروندن مبعوث ۳۱ تشرین اول ۱۷۹۳ ده اعدام ایدلای .

بو اشناده حال مالی پک فنا ایدی . مکلفین ویرکولرینی ویرمیور ، محاربه مضارفی آرئیور ، « اسینا » لر قیمتدن دوشیوردی . لاکن پاره تدارکی ایچین اسینا چیقارمقدن باشقه چاره یوقدی . قونوانسیون اوچ سنده ۳۵ میلیار اسینا چیقاردی . فقط یوز لیرالق اسینا ۱۷۹۵ ده ۱۸ لیرایه ایندی . مجلس استقراضه تشبث ایتدی . بونك فئضلرینی تأدیه ایدمده یو صیراده یالکز اردولری دکل پاریس اهالیسینی ده بسلامک لازمدی . جوابات آز ، امک بهالی ، محاربه سبيله تجارت وصناعت دورغون فقر وسفالت شدتلی ایدی . فقیر

قادیلر بقال قصاب دکانلری یغما ایتدیلر قونوانسیون حوایج ضروریه دن معدود اشیا فیثائی ایچین بر نرخ قویدی.

پارسد قومون « مذهب حق » نامیه بر مذهب ایجاد ایلدی. مشهور توتردام کلیساسنده بر آیین مخصوص اجرا ایتدیردی. بو آیینده حق یو قادین شککنده تشخص ایتدیرلدی. واقعا قونوانسیون بو تشبث علیهنده بولندی؛ لاکن تقویمدن ده خاطرات دینییه متعلق کلماتی چیقارمق ایسته‌دی. ویکی بر « تقویم اختلال » یاپیلدی. سنه کافه‌سی اوتوزر کوندن مرکب اون ایکی آیه تقسیم ایدلدی. بر سنه‌ی ۳۶۵ کونه ابلاغ ایچین هر سنه‌ک نهایته ایام متممه نامیه ۵ ویا ۶ کون علاوه اولوندی. سنه جمهوریتک یوم تأسیسندن باشلیوردی. اسکی ایلرک اسملری دیکشیدیرلدی. مواسم اربعه‌ی تشکیل ایچین اوچر اوچر آیریلهرق شو ناملر ویرلدی: صوکه‌بهار ایچین: واندیمی‌هر، -، برومه، فریحه‌ر. قیش ایچین: وانتور، پلویویوز، نیووز. ایلک بهار ایچین: پره‌ربال، قلوره‌آل، ژرمینال. یاز ایچین: فروقیندور، ترمیدور، مه‌سیدور. « سن » یعنی عزیز کله‌سنی طاشایان شهر وکوی اسملری تبدیل ایدلدی. مثلا سن مالو، پورمالو اولدی. حتی طرز مصاحبه بیه دیکشیدی. ۱۷۹۲ تاریخندنبری « موسیو » رینه « سیتووايه » کله‌سی قوللانیلیوردی. جمهوریت طرفدارانی جمع مخاطب صیغه‌سی استعانه باشلادیلر. ۱۷۹۳ ده بو طرز مصاحبه رسمیت کسب ایتدی.

۱۷۹۳ ده فرانسه‌ک بوتون حدودلرندن دشمن اردولری کچمش، مملکتک ثلثانی عصیان ایتشدی. ده‌پارتمانلره کونده‌ریلن وکیللر اجانب ایله اتفاق ایتمکه اتهام اولونان حکومت دشمنلرینه قارشى تدابیر شیده اتخادینی قونوانسیونه تکلیف ایتدیلر. وایشته بوضورتله ۱۷۹۳ استیلاسی اشناسنده تطبیق ایدیلن اصول اداره‌یه « ته‌رور » نامی ویرلدی. بو بر مسلک اوانقمنن زیاده اوزمانک ایجاباتندن منبعث بر کیفیتدی. میانس

ووالانسیه‌نک تسلیمی خبری دهشتی تشدیدایتدی . دشمنله اتفاق‌ایله دکبری ادعا اولونان متهملری سریعاً محاکمه ایچین قونوانسیون طرفدن منتخب اعضادن مرکب اولق اوزره بر محکمه اختلالیه تشکیل ایدلمشدی . بو درت شعبه‌یه آیرلدی . بونلرک حکمی غیرقابل استیناف اولوب همان‌موقع اجرایه وضع اولونوردی . قونوانسیون ماری آنتوانه‌نک محکمه‌اختلاله سوقه ، قانون خارجه آتیلان اشخاصک اموال و املاکنک صادره‌سنه بوربونلرک همان‌نقیه ، تحت ظن و شبهه‌ده بولونان بیکلرجه کیشینک توقیفنه دائر قرارلر ویردی . بواننده پارس آرتق تمامیه مه‌ور مجنونلرک تحت نفوذنده بولونیوردی . طولونک انکلیزلره تسلیمی ، عمله‌لرک آجلی پاریسی دلی ایتدی . حرکتلریله ، مناسبتلریله ، سوزلریله قرال طرفدارلی و یازیروندن محبی اولدقلرینی کوسته‌رن کیمسه‌لری اخبار و حبس ایتمک ایچین « ترصد قومیه‌لری » تشکیل اولوندی . و آرتق دهشت بوتون قوتیه فرانسه‌نی ازمکه باشلادی . خلقک حدت احتراصاتیه سوروکله‌ن سلامت عمومیه قومیه‌سنی و قونوانسیون ژیروندنلری فدایه قرارویردی . بیکلرجه کیمسه‌لر حبس ایدلدیلر . قرالیهچ آنتوانه‌نک اجابنه معاوننده بولونمق تهمتیه ۱۶ تشرین اول ، ۶۹۳ده اعدام اولوندی . ۸ تشرین نانیده زواللی مادام رولاندی‌ده سیاستگاهه سوروکله‌دیلر . پارسده ایکی میدانده قوریلان کیوتین صورت دائمه‌ده ایشلیوردی .

« تهرور » اولا قرال طرفدارانی و ژیروندنلر علیهنده ایدی . لکن بالا‌آخره مونتایارلر آراسنده‌ده تعقیب اولونه‌جق مسلکدن دولای اختلاف چیقدی . سلامت عمومیه قومیه‌سنک صاغ جناحنده دانوئیستلر ، صول طرفنده‌ده ه‌بریتسلراخذ موقع ایتمشلردی . ه‌ه‌بر ، هرکون غزه‌تسیله قان ایستدیکی‌حاله قایل ده‌مولن مرحمت ! دییه فریادایدیوردی . دانتون‌ده دشمن اردولری فرانسه‌دن چیقارلدینی وقت تهروره آرتق نهایت ویرلمنی طاب ایتدی . دانتونه رفقا‌سنک رقیلری ایسه بالعکس لزومی قدرشدتی

تدابیر اتخاذ ایدلمدیکندن بحث ایله افکار معتدله اصحابی اهانته اتهام ایتدیلر.
 قورده لیه قلوبی ایله قومون اعضای افراطیون ایله برابردی. قلوب پارس
 اهایسنی عصیان تشویق ایلوردی. روبسیهر دانتونی اتهامه سن ژوستی
 مأمور ایتدی. ایشته بو آدمک اویدوردینی ساخته بر راپور اوزرینه
 دانتون، ده لاقرووا، قامیل ده مولن تحت توقیفه آلدیلر. دانتونک
 توقیفی قونوانسیون بیته وحیرت ایچنده براقدی. روبسیهره قارشی آز
 قالسین برعصیان ظهور ایده جکدی. دانتون محکمه اختلالیه حضورنده
 کال طلاق ایله کنیسنی مدافعه ایلدی. ژوری تضیق آلتنده مجرمیه
 قرار ویرمکه دانتون ورفقاسی اوکون اعدام اولوندیلر. دانتون جلاده
 : «باشمی اهالی یه کوستر، چونکه او قدر دگری واردر» دیدی. بعدما
 «تهرور» بر آدمک منفعتنه، روبسیهر ایچین حکم فرمادی. محاکم
 اختلالیه مظالمی کیتدجه تزیید ایتدی. لاوازیه ده اعدام ایدلدی. حاصلی
 بو معصومینک بر نوع قتل عامی قیلندندی. بوانتاده مدافعه ملیه ده تأمین
 ایدلش اولدیغندن روبسیهرک افعال و حرکاتی آنکیزیسیون اداره سنه مقیس
 اولوب انظار مور حیده اونی عفو ایتدیره بیله جک هیچ بر معذرت یوقدز.
 یاواش یاواش افکار عمومی روبسیهرک علیهنده دوندی. نهایت بر
 کون قونوانسیونده اوده اتهام ایدلدی. مدافعه ده بولونمق ایچین کرسی
 خطابه دوغرو قوشدی. هر طرفدن کیرسون تیران! صدالری یوکسه لیوردی.
 روبسیهرک بوزازی قورو یه رق سنده لیوب دوشدی. غارینه «دانتونک
 قانی سنی بوغویور!» دییه باغیردی. توقیف ایدلمه سنی مضمین بر تقریر
 ویرلمسی اوزرینه روبسیهر: بن ده ثلومی ایسته یورم! دییه فریاده باشلادی.
 مبعوث دوموندن: «سن اوکا بیک کره کسب استحقاق ایتدک!»
 جوابی آلدی. روبسیهر بو ائنده ثلوم! ثلوم! سوزینی لایق قطع
 تکرار ایدیوردی. قونوانسیون روبسیهرک سن ژوستله برابر تحت توقیفه
 آلتالرینه قرار ویرمکه ژاندارمه لر تیرانی امنیت عمومی قومیه سنه دوغرو

سور و کلیوب کو توردیلر . وقیصه بر استجوابی متعاقبده کبر سین ظالم ،
یاشاسین جمهوریت ! ندالری ایچنده اعدام ایتدیلر . قونوانسیونده ۲۶
تشرین اول ، ۱۷۹۵ ده مأموریتی بیتدیکنی سویله رک داغیلدی .

ریپوبلیسی و محاربات . — لوئی نك اعدای بوتون قرالرك فرانسه یه
قارشی اتحاد ایله لرینه باعث اولدی . انکلتزه فرانسه ایله قطع مناسبت ایچین
اسباب جدیه مالکدی . فرانسه بلجیقانی الحاق ایتدیکی کبی هولاندی ده
تهدید ایدیوردی . مشهور پیتروسیا ، ساردونیاناپولی پروسیا ، طوسقانا
ایله مظاهرات و اتفاق معاهده لر یاپدی . آنتوانه نك همشیره سی وناپولی
قرالک زوجه سی ماری — قارولین قوجه سنی فرانسه یه قارشی تشکل ایدن
هیأت متحده یه داخل اولق ایچین تشویق ایدیوردی . بوربون خاندانک
اعدامی اسپانیایه محاربه یه دوغرو سور و کله دی . هله مایانیه ک ضیاغندن
صوکره فرانسه پک دهشتلی برتهلکه ایچنده قالدی . بش اجنبی اردوسی
فرانسه اراضینه کیرمشدی . عصیان ایدن وانده مهاجرین واجانبه وطنک
سینه سنی آچیور انکلیزلر بوتون لیمانلرینی محاصره ایدیوردی .

فرانسه سلامتی اولاد دشمنلرینک عدم اتحادینه مدیوندر . دول
متفقنه نك منافعی یکدیگرینه مغایردی . هپسی منفرداً حرکت ایدیور و بو
حال مساعیلرینی کوتورووم ایدیوردی . ثانیاً ، قونوانسیونک بو ائنده
کوستردیکی متانت خارق العاده ایله تشکیل اولونان مدھش بر اوردو
سایه سنده در . موفقیتله محاربه ایدن یالکز انکلتزه ایدی . چونکه یالکز
او ، حریت و وطن نامه چاریشیوردی . پاره قوتیه آوروپادن بیکلرجه
عسکری فرانسه حدودلرینه آتوردی . ویلیام پیت اختلالک اک آزعین
اک مهلاک بر خصمی ایدی . بو محاربه لرده مهندس قارنو فرانسه یه پک
چوق خدمت ایتشدر . ۱۸ یاشندن ۴۰ یاشنه قدر اولان فرانسلر هپ
سلاح آلتنه آلدی . اوردو وطنک ، جمهوریتک انجیب برسیاسی ایدی .
هوشار ، هوش ، پیشغرو کبی قوماندانلر بحق ایفای وظیفه ایلهدیلر .

و بوسایه ده مملکت اجنبی استیلا سندن قورتولدی . قونوانسیون ۱۹ تشرین ثانی ، ۱۷۹۲ تاریخنده بوتون جابره یه قارشى اعلان حرب ایشدی . او ، بوتون ملتلى قید اسارتدن تخلصه کندیسنى مأمور عدايدیوردی . دانتون سلامت عمومیه قومیه سنک موجد حقیقیسى و روحى اولوب باره رله یرلکده مناسبات خارجیه نی اداره ایل یوردی . روبسپیر اختلاک دها شدتلى ، محازبه نك دها دهشتلى اولماسى طرفداریدى . پیدرپی دانتونك بویوک و خلاصکار تأثیرى محوه چالیشدی و موفق اولدی . دانتونك سلامت عمومیه قومیه سندن چیقارلسنى متعاقب دول اجنبیه ایله جریان ایدن مذاکرات دفعه دوردی . فرانسه سفراسى هر یرده حقارت کورمه باشلادی . پیت « فرانسه عالم تجارتدن آیرمالیدر » دیه باغیر یوروپروسیایه هر آى ۱۵۰۰۰۰ لیرا ویریوردی . انگلیز لر قورسیقایى ، هندستانه کی بش شهر معلومی ، غو آده لویى ، مارتینیکی ، پورتو پرنسی ضبط ایتدیلر . حاصلی فرانسه نك هیچ مستملکه سی قالمادی . لاکن انگلیز تجارتی ده پک مضطربدی . فرانسز قورصانلری اونلردن ۴۰۰ کى آلمشدى . بالا آخره فرانسه اوردولری هولاندا و بلجیقایى تکرار استیلایه موفق اولدیلر . داخلی عصیانلر باصیرلدى . فرانسز لرك بوموفقیا تی دشمنلرینه حیرتله قاریشیق بر قورقو القا ایتدی . انکلتره آرتق معاونت نقدیه دن وازچدیکی کى قاته رینا ایله ایکنجی فرانسو واده تورکیه ، وندیک ، لهستان و باویه رایى آرالرنده تقسیم ایتک ایچین خفیا او یوشایه چالیشیورلردی . نهایت ۱۲ کانون ثانی ، ۱۷۹۵ ده عقد مصالحه ایچین بال شهرنده مذاکره باشلاندى ... بو محاربات مده شه نتیجه سنده فرانسه حدود طبعیه سنى اکتساب ایده رک بویوردی . جمهوریت ، طبیعتک اوکا چیزدیکی حدودی ویرمشدی . فقط بالا آخره ناپولیونك حرص مشومی بوجوددی فرانسه یه غائب ایتدیردی .

— مابعدی وار —

احمد شعیب